

Mensahe sa Pascha ni Patriarka Kirill sa Moscow ug sa Tibuk Russ alang sa tanang Arkpastor, pastor, diyakono, monastiko ug tanang magtutuo sa Simbahang Orthodox sa Russia

Inilang mga kaubanan Arkpastor, tinahod nga mga kaparian, diyakono, halangdong mga monghe ug mga madre, mga minahal kong mga kaigsuonan.

SI KRISTO NABANHAW!

Sa pagpakigsulti ko niining mga pulong nga naga padasig sa kinabuhi, akong ipaabot kaninyong tanan ang akong kinasingkasing nga mga pagtimbaya sa Bantugan ug Makaluwas nga Pista sa kalibutan; ang Pascha. Niining pinsahi ug balaan nga adlaw hilabihan kabug-at ang atong espirituhanong kalipay ug halawom nga pagpasalamat ngadto sa Dios ra kaayo ang makusganong pagbati ug ang gilagmon nga gugma sa Magbubuhay alang sa mga tawo, nga sa pagsuway nato sa pagpadayag sa atong mga pagbati, halos man gani kita dili makakita ug pulong nga arang niining bahina, gawas lang sa mga babaye nga nagdalag mira nga nagdali sa pag adto sa mga apostoles aron sa pagbalita kanila mahitungod sa nahitabong milagro-nga sila nakakita sa Ginoo.

Kung atong huna-hunaon unsa kalisod alang sa mga disipulo sa Manluluwas ang pagtuo sa katinuod sa Iyang Pagkabanhaw. Dili palang dugay nga ilang nakita ang ilang pinalanggang Magtutudlo nga gisakit ug gilansang sa krus. Lab-as pa sa ilang hunahuna ang panghitabo kung giunsa paglubong ang Iyang patay ug walay kinabuhi nga lawas. Nga gipahimutang ngadto sa lubnganan, ug nga adunay bug-ay nga mga bato nga gibutang sa pultahan niin. Ug karo ang lasubo naghatag ug dapit aron sa paglig-on sa pagtuo ug sa kadaugan sa kinabuhi. Ug ang mga luha sa kasakit nahimong mga luha sa kalipay.

Ang pagsinati nato sa tinuod nga pag ambit sa Nabanhaw nga Kristo ug sa walay paglubad nga kalipay sa Pascha sa Pagkabanhaw, nagdasig ug nagpahulam sa mga pako sa mga apostoles aron sa pag adto sa kinatumyan sa yuta aron sa pagsangyaw sa kapasayluan sa mga sala ug sa kaluwasan nga atong nadawat pinaagi sa Ginoong Jesus, nga Nabanhaw gikan sa Lubnganan. Sa walay kahadlok sa mga kalisdanan ug sa kagrabe nga paglutos, nag-antos sa mga kasakita ug sa mga kalisdanan, ang mga apostoles sa walay kakapoy maisugong nagpamatuod nga si Kristo mao ang Nagbuntog sa kamatayon.

Sulod sa duha kalibo ka tuig na ang milabay, ang mga balita sa Pagkabanhaw nahimong maoy kinauyukan sa kinabuhi sa Simbahan, nga naningkamot sa pagdala niini nga mga balita ngadto sa matag tawo nga anaa sa kalibutan (*Jn.1:9*) Tungod sa Kahayag sa Pascha ang tanan sa pagka tinuod lahi na: kahadlok ug pagka walay paglaum, tungod sa mga kasubo, mga kasakit ug kalibutanon nga mga kasamok, Mawala. Ug bisan ang pagsulay nga may kahimtangan niining gubot nga panahon, nawagtang na ang ilang katakos sa paghatag ug kahadlok kanato tungod niining kaanindot nga gihatag kanato, ang Pascha.

Aron sa Pagsaksi sa Nabanhaw nga Manluluwas, dili kinahanglan nga muadto pa kita sa halayong lugar, sama sa gibuhat sa mga apostoles, nga nagpakaylap sa balita sa Pascha sa tibuok kalibutan. Daghang mga tawo sa atong palibot ang nanginahanglan ug buhi nga modelo sa Kristuhanong pagtuo nga nagalihok pinaagi sa gugma (*Gal.5:6*) Ang Dios wala mangayo kanato sa pipila ka bayanihong o martir nga mga buhat nga labaw sa atong kusog. Naghangyo lang Siya kanato nga magpakita sa gugma sa matg usa. Sa paghinumdum nga pinaagi sa pagbuhat niini kita usab magpakita ug gugma ngadto Kaniya. Ang mabinationg mga pahiyom, pagtagad, simpatiya ngadto sa mga haduol kanato, ingon man ang tukma sa panahon nga mga pinulungan sa paghupay sa mga kasakit, ug usab suporta nga mahimo natong labing mas bililhon nga mga buhat sa mata sa atong Ginoo.

Kung karon ang kalibutan gikunis-kunis sa mga panag sumpaki ug mga komprotasyon, kung daghang mga kasingkasing ang napuno sa pagdumot, kahadlok, kasuko, mas hunahunaon nato ang atong Kristuhanong bokasyon sa pagpakita sa tinuod nga gugma sa atong isigkatawo-gugma nga mao ray makaayo, sa mga samad nga nahimo tungod sa kadautan ug kabakakan. Kinahanglang nga dili kita magpadala sa tintasyon nga minugna sa yawa nga naningkamot sa pag guba sa bulahang panaghiusa tali sa mga Kristuhanong Orthodox. Mainiton ako nga naga ampo sa atong Ginoong Hesu-Kristo ang Tiglalang ug naghangyo kaninyo sa pagbayaw sa inyong mainitong mga pag-ampo ngadto Kaniya aron ang tanang mga babag mabuntog, ang usa ka malungtarong kalinaw mapatigbabaw, ug ang mga samad sa pagkabahin-bahin mamaayo pinaagi sa Balaang grasya.

Mga pagtimbaya kaninyong tanan sa kasauluagan sa Pascha, ginalitok ko ang mga panalangin sa Nabanhaw nga Kristo ug nagapanghinaot kaninyo, akong mga minahal, ang dili mahurot nga kahayag sa kalipay sa Pascha sa Pagkabanhaw nga nagpalig-on kanato sa pagtuo, paglaum ug gugma. Kon itugot sa Dios, hinaut nga kining kahayag dili mulobad sa atong mga kasingkasing, kanunay nga nagadan-ag sa kalibutan (*cf.Mt.5:14*) Ug hinaut nga kita, nga nalamdagan sa pulong sa Dios pinaagi sa pagbasa sa Ebanghelyo ug pag-ambit sa Balaang grasya sa mga Sakramento sa Simbahan mutubo nga makanunayong kahibalo sa Ginoo ug sa pagtuman sa Iyang mga sugo, aron ang mga tawo makakita sa atong mga maayong mga buhat; Himayaa ang atong Amahan nga anaa sa mga langit (*cf.Mt.5:16*) ug uban kanamo sa malipayong pagmantala nga.....

TINUOD NGA SIYA NABANHAW!

+KIRILL

PATRIARKA SA MOSCOW UG SA TIBUOK RUSS

Pascha ni Kristo

2022